

Z A B I L J E Š K A

sa Pete sjednice Komisije za ekonomski razvoj općina i gradova i finansije održane 12.12.2013. godine u prostorijama „Centra za podršku biznisu“ Općine Centar sa početkom u 12,00 sati

Sjednica je održana zajedno sa Komisijom za razvoj i unapređenje lokalne samouprave, Komisijom za ustavna i zakonodavna pitanja i Komisijom za imovinska pitanja, prostorno uređenje, stambeno-komunalne djelatnosti i zaštitu životnog okoliša.

Sjednici su prisustvovali: Radinka Dujak, Baisa Šarić (zamjena za Jusuf Čavkunović), Redžo Bašić (zamjena za Zijad Kunovac), Josip Juričić (zamjena za Jozo Ivančević) i Vjekoslav Draškić (zamjena za Andrija Kraljević).

Opravnado odsutni: Fahrudin Kurtović i Perica Romić

Neopravnado odsutni: Armin Halitović, Meliha Beširević i Advan Akeljić

Sjednici su prisustvovali i: Emir Oković (Ministarstvo pravosuđa BPK Goražde) i Zlata Turkić (Savez).

Na sjednici je predloženo da se Dnevni red naznačen u pozivu izmijeni, te je usvojen sljedeći

D N E V N I R E D

1. Nacrt Zakona o lokalnoj samoupravi Bosansko-podrinjskog kantona Goražde
2. Radni materijal Zakona o razvojnom planiranju i upravljanju razvojem u FBiH
3. Inicijativa Općine Ilidža o donošenju Zakona o javnim ustanovama
4. Inicijativa Općine Bosanski Petrovac o osnivanju Šumsko-privrednog društva na području Općine Bosanski Petrovac
5. Inicijativa grada/općina Mostar, Konjic, Jablanica, Čapljina, Prozor-Rama, Grude, Široki Brijeg i Tomislavgrad o izradi Prednacrta zakona o izdvajanju i usmjeravanju dijela prihoda poduzeća ostvarenog korištenjem hidroakumulacionih objekata
- Deklaracija Općine Konjic po ovom pitanju
6. Inicijativa Općine Prozor-Rama za izmjenu Odluke o osnivanju lovišta u HNŽ/K
7. Tekuća pitanja
 - a) Zahtjev za imenovanje članova Tehničkog tima za upravljanje poljoprivrednim zemljištem, Interresorne komisije za izradu nacrtu Strateškog plana ruralnog razvoja BiH
 - b) Inicijativa Općine Vogošća vezana za problematiku statističkih podataka

Predsjednici komisija su se dogovorili da sjednicom predsjedava Vildana Smajović, predsjednica Komisije za ustavna i zakonodavna pitanja.

1. Uvodne napomene o Nacrtu Zakona o lokalnoj samoupravi Bosansko-podrinjskog kantona Goražde dao je gospodin Emir Oković iz Ministarstva pravosuđa BPK Goražde i istakao da se na izradu ovog materijala radilo dugo sa ciljem da se zakonom reguliše lokalna samoupravu.

U diskusiji u kojoj su učestvovali Diana Salihbegović, Enver Adžem, Bubalo Emir, Redžo Bašić i Predrag Šupljeglav istaknuto je da se Zakon o principima lokalne samouprave u FBiH ne poštuje, da u toku njegove izmjene, te da bi trebalo sačekati donošenje izmjena i dopuna istog zbog činjenice da će se i kantonalni zakoni morati usklađivati sa tim zakonom.

Takođe, istaknuto je da se u ponuđenom Nacrtu zakona posvećuje pažnja mjesnoj samoupravi koji je projekat CCI-a i koji nije naišao na odobravanje jedinica lokalne samouprave u FBiH.

Isto tako, data je primjedba na član 3. u kome su općine i gradovi naznačeni kao jedinice lokalne samouprave, a BPK nema grada. Date su primjedbe i na članove 34. (boldirane stavove trebalo bi brisati) i članove 37.-57. (koje treba urediti onako kako to Federalni zakon bude regulisao).

Na kraju donesen je skjeđeći **zaključak**:

- **Nacrt Zakona o lokalnoj samoupravi Bosansko-podrinjskog kantona Goražde predstavlja dobru osnovu za izradu Prijedloga zakona;**
- **U prijedlog zakona obavezno ugraditi primjedbe iz lokalnih zajednica;**
- **Prijedlog zakona treba sačekati donošenje Izmjena i dopuna federalnog Zakona o principima lokalne samouprave.**

2. Uvodne napomene o Radnom materijalu Zakona o razvojnem planiranju i upravljanju razvojem FBiH dala je Zlata Turkić i istakla da su aktivnosti u cilju jačanja i konsolidiranja sistema strateškog planiranja i upravljanja razvojem u FBiH krajem 2012. godine inicirane zajednički od strane Projekta integriranog lokalnog razvoja (*zajednička inicijativa Švicarske agencije za razvoj i saradnju i UNDP BiH*), Zavoda za programiranje razvoja, Federalnog ministarstva pravde i Saveza općina i gradova FBiH. U tom cilju formirana je Radna grupa za usaglašavanje vertikalne integracije strateškog planiranja u FBiH u kojoj su bili predstavnici nadležnih federalnih ministarstava, Zavod za programiranje razvoja FBiH, Savez općina i gradova FBiH, predstavnici kantonalnih vlada i jedinica lokalne samouprave. Radna grupa je usaglasila zajedničku viziju i ključne elemente budućeg okvira za strateško planiranje, kao i postigla dogovor da taj budući sistem treba da bude regulisan **jedinstvenim zakonom na nivou FBiH.**

U diskusiji u kojoj su učestvovali Vildana Smajović, Radinka Dujak, Predrag Šupljeglav i Esmir Brković istaknuto je pitanje i primjedbe:

1. Pitanje: postoji li pravni osnov za donošenje ovog zakona?

2. Primjedbe:

- na str.3. u dijelu **Godišnji programa rada** u aktivnost uključiti sve nivoe vlasti (dakle i jedinice lokalne samouprave);

- u dijelu u kome se govori o strategijama razvoja trebalo bi da, kako na nivou jedinica lokalne samouprave strategiju donosi općinsko vijeće (čl.21.), strategiju razvoja kantona donosi skupština kantona (čl.19.), tako bi i strategiju razvoja Federacije trebao donositi Parlament, a ne Vlada FBiH (čl. 18.);

3. Strategija razvoja Federacije treba da sadrži ono što žele kantonalni i lokalni nivo.

Na kraju je **zaključeno**:

- **Radni materijal se podržava kao dobra osnova za izradu Nacrta Zakona o razvojnem planiranju i upravljanju razvojem u FBiH;**
- **O Nacrtu zakona održati javnu raspravu u kantonima i jedinicama lokalne samouprave.**

3. U diskusiji o Inicijativi Općine Ilidža o donošenju Zakona o javnim ustanovama učestvovao je Predrag Šupljeglav i istakao da je u Mostaru ovaj zakon podijeljen između Herceg-bosne i Federacije BiH, te izrazio potrebu da ovu oblast definitivno treba urediti na način da se donese novi zakon na nivou FBiH ili da se pristupi izmjenama i dopunama postojećeg zakona. Donesen je **zaključak**:

- **Prihvata se Inicijativa Općine Ilidža o donošenju Zakona o javnim ustanovama**

4. Inicijativu Općine Bosanski Petrovac o osnivanju Šumsko-privrednog društva na području Općine Bosanski Petrovac obrazložio je Esmir Brković i istakao da se 70% šumskog resursa nalazi na području Općine Bosanski Petrovac, čijim se iskorištavanjem sav prihod slijeva u kantonalnu kasu, a Općina od toga nema ništa. S toga je Općinsko vijeće, na sjednici održanoj 04.11.2013.godine donijelo Inicijativu o osnivanju Šumsko-privrednog društva na području Općine Bosanski Petrovac. **Zaključak**:

- **Podržava se Inicijativa Općine Bosanski Petrovac;**
- **Inicijativu uputiti Vladi Unsko-sanskog kantona (Ministarstvu poljoprivrede, vodoprivrede i šumarstva).**

5. Inicijativu grada/općina Mostar, Konjic, Jablanica, Čapljina, Prozor-Rama, Grude, Široki Brijeg i Tomislavgrad o izradi Prednacrt zakona o izdvajanju i usmjeravanju dijela prihoda poduzeća ostvarenog korištenjem hidroakumulacionih objekata i Deklaracija Općine Konjic po ovom pitanju obrazložio je Emir Bubalo i istakao da su, na osnovu informacije da je Vlada FBiH formirala Interesornu radnu grupu za izradu Prednacrt zakona o izdvajanju i usmjeravanju dijela prihoda poduzeća ostvarenog korištenjem hidroakumulacionih objekata, grad/općine Mostar, Konjic, Jablanica, Čapljina, Prozor-Rama, Grude, Široki Brijeg i Tomislavgrad održale zajednički sastanak na kome je donesen zajednički stav da ne postoji potreba da se pristupi izradi ovog prednacrt zakona, jer se, tek nakon urađene kvalitetne analize pojedinih odredbi važećeg Zakona, prvenstveno misleći na kriterije koji služe za određivanje naknade, eventualno može predložiti izmjena postojećeg Zakona u čiji se postupak izrade moraju uključiti predstavnici svih jedinica lokalne samouprave na koje se ovaj zakon odnosi.

U diskusiji je učesvovao Nermin Mandra i napomenuo da se u kontekst ove inicijative može podvesti svo eksploatiranje prirodnih resursa jedinica lokalnih zajednica od kojih one nemaju korist.

Na kraju **zaključeno je**:

- **U potpunosti se podržava Inicijativa grada/općina Mostar, Konjic, Jablanica, Čapljina, Prozor-Rama, Grude, Široki Brijeg i Tomislavgrad o izradi Prednacrt zakona o izdvajanju i usmjeravanju dijela prihoda poduzeća ostvarenog korištenjem hidroakumulacionih objekata i Deklaracija Općine Konjic.**

6. Inicijativu Općine Prozor-Rama za izmjenu Odluke o osnivanju lovišta u HNŽ/K obrazložio je Josip Juričić i istakao da je Skupština HNŽ/K donijela Odluku o osnivanju lovišta u HNŽ/K po kojoj je u ovoj općini osnovala dva lovišta – „Prozor-Rama“ i „Gorača“, što je apsolutno neprihvatljivo za Općinu, pogotovo što je lovište „Gorača“ ustanovljeno prizvpljno i u njemu nisu naznačena naseljena mjesta koja se nalaze unutar lovišta, tako da je nejasno gdje se nalazi još jedno lovište i koje su njegove granice.

Nakon obrazloženja, donesen je **zaključak**:

- **Podržava se Inicijativa Općine Prozor-Rama za izmjenu Odluke o osnivanju lovišta u HNŽ/K.**

7. a) Komisije Skupštine Saveza općina i gradova FBiH jednoglasno su predložile da se u za člana Interresorne komisije za izradu nacrtu Strateškog plana ruralnog razvoja BiH pri Tehničkom timu za upravljanje poljoprivrednim zemljištem Ministarstva vanjske trgovine i ekonomskih odnosa BiH **imenuje gospodin Began Muhić, Općina Živinice.**

b) Inicijativa Općine Vogošća vezana za problematiku statističkih podataka koja se odnosi na različite pokazatelje o broju stanovnika Općine. Takvo stanje dovodi do neravnopravnog položaja Općine u Zakonu o raspodjeli prihoda sa jedinstvenog računa, po kome je jedan od parametara i broj stanovnika. **Zaključak:**

- **Podržava se Inicijativa Općine Vogošća u cilju korekcije statističkih podataka o stvarnom broju stanovnika Općine Vogošća.**

Sjednica je završena u 14,45 sati.

Zabilješku sačinila: Zlata Turkić.